



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education, Science and Youth

Broj: 11/05-38-3581-45/19  
Sarajevo, 12.03.2019. godine

20-03-2019

## SKUPŠTINA KANTONA SARAJEVO

**PREDMET:** Odgovor na zastupničko pitanje, broj: 01-05-3581-45/19 od 28.02.2019. godine, *dostavlja se*

Zastupnik u Skupštini Kantona Sarajevo Damir Marjanović, na Petoj radnoj sjednici Skupštine Kantona Sarajevo, održanoj dana 27.02.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, je postavio sljedeće zastupničko pitanje:

### PITANJE:

„Da li je tačno da institucionalna akreditacija Univerziteta u Sarajevu koju je dodijelila Agencija za razvoj visokog obrazovanja i osiguranje kvaliteta Bosne i Hercegovine ističe u drugoj polovini 2019. godine? Dobro upoznat sa procedurom akreditiranja i relativno malim utjecajem kantonalnog resornog ministarstva na nju, ipak postavljam pitanje da li je Ministarstvo za obrazovanje, nauku i mlade Kantona Sarajevo razmišljalo o potencijalnim drugim opcijama u slučaju da se kriza oko nefunkcionisanja državne nadležne agencije, koja je isključivo političkoga karaktera, ne riješi u datome roku?“

### ODGOVOR:

U skladu sa zakonskim i podzakonskim propisima, a na osnovu Preporuke Agencije za razvoj visokog obrazovanja i osiguranje kvaliteta Bosne i Hercegovine, Ministarstvo za obrazovanje, nauku i mlade Kantona Sarajevo je Univerzitetu u Sarajevu izdalo Rješenje o akreditaciji (institucionalna akreditacija), broj: 11-05-38-32838-5/14 od 18.09.2014. godine, na period od pet godina.

Shodno naprijed navedenom, institucionalna akreditacija Univerziteta u Sarajevu ističe 18.09.2019. godine.

Članom 20. Pravilnika o akreditaciji visokoškolskih ustanova i studijskih programa („Službene novine Kantona Sarajevo“, broj: 26/13) propisana je obaveza visokoškolske ustanove da, najkasnije šest mjeseci prije isteka perioda na koji je doneseno rješenje o akreditaciji, podnese zahtjev za reakreditaciju u skladu sa relevantnim zakonskim i podzakonskim propisima.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



Skrećemo pažnju da je članom 24. stav (4) Zakona o visokom obrazovanju („Službene novine Kantona Sarajevo“, broj: 33/17) propisano da visokoškolska ustanova, radi međunarodne prepoznatljivosti i relevantnosti, može pribaviti i međunarodnu ocjenu sistema kvaliteta, ali da ista ne može predstavljati zamjenu za postupak akreditacije propisan Zakonom o visokom obrazovanju.

Ministarstvo za obrazovanje, nauku i mlade Kantona Sarajevo nije zaprimilo bilo kakvu inicijativu niti zahtjev Univerziteta u Sarajevu za pokretanje postupka akreditacije kod inostrane agencije. Naprijed navedeno ističimo posebno u svjetlu činjenice da se proces akreditacije/reakreditacije provodi isključivo na osnovu prethodno podnesenog zahtjeva visokoškolske ustanove.

S poštovanjem,



**Dostaviti:**

- Naslovu,
- Stručna služba Vlade Kantona Sarajevo,
- a/a.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

